

ВЫНСЬӦДӦМА

Коми Республикаса Веськӧдлан котырлӧн
2020 во лӧддза-номъя тӧлысь 15 лунся 304 №-а шуӧмӧн
(19 №-а содтӧд)

“Сотчӧм нюр” республика тӧдчанлуна
канму вӧр-ва заказник йылысь

ПОЛОЖЕНИЕ

1. Панас

“Сотчӧм нюр” республика тӧдчанлуна канму вӧр-ва заказник (водзӧ – заказник) артмӧдӧма “Коми АССР-ын заказникъяс да вӧр-ва памятникъяс индӧм йылысь” Коми АССР-са Министръяс Сӧветлӧн 1978 во вӧльгым тӧлысь 30 лунся 484 №-а шуӧмӧн.

Заказник лӧӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм гидрологическӧй (нюрвывса) нырвизь.

ООПТ-лӧн тыр ним: “Сотчӧм нюр” республика тӧдчанлуна канму вӧр-ва заказник.

ООПТ-лӧн дженьыд ним: “Сотчӧм нюр” заказник.

Заказниксӧ артмӧдӧма вына кадколаст урчиттӧг да заказниклӧн мудорьясын меститчысь му участокьяссӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогъяссӧ (водзӧ – заказникӧн веськӧдлысь орган).

2. Заказник артмӧдан медшӧр могъяс да сылӧн могъяс

2.1. Заказниксö артмөдöма сы могысь, медым видзны пармаса зоналы лöсялана мезоолиготрофнöй нюр система.

2.2. Заказниклөн шöр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö, сы лыдын шоча паныдасьлысь быдмөг сикасьяслысь быдманінъяссö;

видзны ва экосистемаяслысь гидрологическöй режимсö;

туявны вöр-ва комплексъясын ывлывса процессъяссö да видзöдны экосистемаяслөн серпас вежсьöм бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальнöй районса муниципальнöй юкөнлөн мутасын Висер сиктсянь 8 км асыв-войвывлань, Шойнатыса лесничестволөн Висерса участковöй лесничестволөн 120, 121, 139-141 кварталъяслөн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лöб 1180 га.

* Оз йöзöдсьы.

4. Заказниклөн мудоръяс

4.1. Заказниклөн мудорыс муно Шойнатыса лесничестволөн Висерса участковöй лесничестволөн 120 кварталса 25 выделлөн рытив-войвыв помсянь 120 кварталса 25 выделлөн войвыв мудорті, 121 кварталса 23 выделлөн войвыв мудорті, 121 кварталса 40, 23 выделъяслөн асыввыв мудоръясті, 141 кварталса 1, 6 выделъяслөн асыввыв мудоръясті, 141 кварталса 11 выделлөн войвыв мудорті, 141 кварталса 8 выделлөн

рытиввыв, войвыв да асиввыв мудорьясті, 141 кварталса 11 выделлөн асиввыв да лунвыв мудорьясті, 141 кварталса 1, 22 выдельяслөн асиввыв мудорьясті, 141 кварталса 22, 20, 16 выдельяслөн лунвыв мудорьясті, 140 кварталса 2 выделлөн лунвыв мудорти, 140 кварталса 2, 7 выдельяслөн асиввыв мудорьясті, 140 кварталса 7 выделлөн войвыв мудорти, 140 кварталса 3 выделлөн асиввыв, войвыв да рытиввыв мудорьясті, 140 кварталса 4 выделлөн войвыв мудорти, 139 кварталса 19 выделлөн лунвыв, асиввыв да войвыв мудорьясті, 140 кварталса рытиввыв мудорти, 139 кварталса 8 выделлөн лунвыв, асиввыв да войвыв мудорьясті, 140 кварталса 1 выделлөн лунвыв да асиввыв мудорьясті, 140 кварталса войвыв мудорти, 120 кварталса 25 выделлөн рытиввыв мудорти петан чутөдз.

Заказниклөн мутасө сіджө тырвыйө пырöны Шойнатыса лесничестволөн Висерса участковй лесничестволөн 121 кварталса 32 выдел, 140 кварталса 5 выдел да 141 кварталса 5, 21 выдельяс.

4.2. Заказниклысь мудорьяссө петкөдлөма карта-схема вылын тайö Положение дорö 2 содтöдын*.

* Оз йöзöдсы.

5. Заказниклөн мудорьясын меститчысь видзан вөр-ва комплексьяс да налөн компонентьяс

Видзан вөр-ва комплексөн лоö гырысь нюр система, мый артмö вылыс олиготрофнöй массивьясысь да налөн периферияын меститчысь мезотрофнöджык участокьясысь. Экология условиеяслөн тöдчöмөн микрорельефыс вежласьö шыльöдөм зыбучсянь мусюра-йөнöдаөдз. Сийö пырджык вежсьö нюр помсянь шөрланьö. Нюр дорыс шөркодь да гырысь вутшьяса пожöма-куста-гöнаюра-нитшка. Быдмөгьяса му веркöсыс тані ёнджыкасö öтсяма. Обыкновеннöй пожöм (*Pinus sylvestris*) пуяслөн гежöd туган улын ыджыдалöны нюрвывса тусяпуа кустьяс (керч (*Ledum palustre*), нюрвывса момга турун (*Chamaedaphne calyculata*), обыкновеннöй чöдлач

(*Vaccinium uliginosum*)), турунъясысь – влагалищной гонаюр (*Eriophorum vaginatum*) да мырпом (*Rubus chamaemorus*). Мырпомыс унакодъ, местаясон сийо уна вотоса. Помся паныдасыоны гермафродитной понпир (*Empetrum hermaphroditum*), видз выв би турун (*Melampyrum pratense*), пув (*Vaccinium vitisidae*) да чод (*Vaccinium myrtillus*), гогрөс турипув (*Oxycoccus palustris*), васод выв турун (*Carex globularis*) да этша дзоридза эжор (*C. pauciflora*). Нитшка веркөссө артмөдоны нюр нитшьяс. Сэни ыджыдало рудовгөрд нюр нитш (*Sphagnum fuscum*). Помся участвуйто магелланской нюр нитш (*Sphagnum magellanicum*), Руссовлөн нюр нитш (*S. russowii*) да кузьмөс корья нюр нитш (*S. angustifolium*). Сорас моз паныдасылоны веж нитшьяс – сжатой политрихум (*Polytrichum strictum*), Шреберлөн плеврозиум (*Pleurozium schreberi*) да нюрвыв аулакомниум (*Aulacomnium palustre*).

Шорас артмө мусюра-зыбуч да мусюра-йоньода микрорельеф. Тани паськаломаось вылыс нюрьяслы лөсялана быдмөг комплексьяс. Микрорельефса элементьяслөн соотношениеыс вежласьо: йылас ыджыдалоны джуджыджыкиньяс (80-85 %), покот вылас 50 %-ысь унджыксө босьтоны зыбучьяс да йоньодьяс. Быдмөгыс отсяма, фитоценозьяс артмөдомын енджыкасө участвуйтоны олиготрофной сикасьяс. Массив йывьяс воряломаось, консюрө пу ярусыс бура тодчө. Сийо артмөма сомын обыкновенной пожомысь. Пуясыс тшөкыда увтыртомаось, но кос вөрыс этша. Вевтыртоны куста-нитшка да куста-мырпома-нитшка откотырьяс. Найо ена паськаломаось тайо сикаса став нюр микрорельефлөн джуджыджыкиньясын да артмөмаось нюрвывса момга турунысь, керчысь, гермафродитной понпирясь, обыкновенной чодлачысь да мырпомысь. Му веркөсыс артмө рудовгөрд нюр нитшкысь. Зыбучьясыс да йоньодьясыс шейхцериая-нитшкаось да эжөра-шейхцериая-нитшкаось. Туруна веркөсын ыджыдалоны нюрвыв шейхцериая (*Scheuchzeria palustris*) либө зыбуч эжор (*Carex limosa*). Нитшка ярусыс либө дзоньнас артмө балтийской нюр нитшкысь (*Sphagnum balticum*), либө руш да артмө некымын сикас нюр нитшкысь да бесколечковой варнсторфияысь (*Warnstorfia exannulata*).

Нюр дорын паныдасьö чутöсь мöснйак турун (*Dactylorhiza maculata*), кутшöмöс пыртöма Быдмөгъяслөн лыддьöгö (списокö), кодъяслөн вөр-ваын олöм бöрся колö торйөн видзöдны да кодъясöс вöзйöма босьтны биология боксянь дöзьöр улö, мый вынсьöдöма Коми Республикаса вөр-ва озырлун да гөгöртас видзан министерстволөн 2019 во рака тöлысь 27 лунся 498 №-а тшöктöдөн (3 №-а содтöд).

Заказник мутасын быдмö 60 гөгöр быдмөг сикас.

6. Заказник торйөн ёна видзан режим

6.1. Заказниклөн мутасын оз позь вöчны овмöс нуöдан да мукöд удж, мый вöсна вермас торксьыны экосистемаяслөн дзоньлуныс, сы лыдын:

- 1) капитальнöя стрöитан объектъяс стрöитöм;
- 2) линейнöй объектъяс стрöитöм, тайö Положениелөн 6.2 пунктын индöм случайяс кындзи;
- 3) абу капитальнöй стрöйбаяс да сооружениеяс стрöитöм, заказниклысь уджалöмсö мөгмöдöм мөгысь стрöитöм кындзи;
- 3) пуяс да кустъяс кералöм да механическöя жугöдöм (виччысьтöм да аварийнöй ситуацияяс кындзи);
- 4) абу пуа вөр ресурсъяс, вöрса сёян-юан да бурдöдан быдмөгъяс заптöм да чукöртöм, индöм ресурсъяссö да быдмөгъяссö гражданаөн асланыс мөгъяс вылö заптöм да чукöртöм кындзи;
- 5) прöмыслöвöя кыйсьöм;
- 6) муяс бурмöдöм;
- 7) химия препаратъяс да мувердас видзöм да наөн вöдитчöм;
- 8) туйясысь, кутшöмъяс эмöсь, да торйөн индöм местаясысь бокин механизируйтöм транспортлөн ветлöм да сулалöм (заказник видзöм серти мероприятиеяс, а сіджö заказниклөн мудоръясын меститчысь вөр-ва комплексъяс да налысь компонентъяс видзöм да бöр лöсьöдöм серти мероприятиеяс нуöдöмкöд йитчöм случайяс кындзи), механическöй транспорт средствояс кындзи, кодъяс ветлöдлöны да сулалöны тövнас, кор

усьома лым сэк, кор оз лэдзны му эжд, быдмөгъяс да вөр пуктасъяс жугөдөмсө;

9) туясян (корсьысян, геофизическөй, геологоразведочнөй) уджъяс, муывьса механизируйтөм средствоясөн вөдитчөмкөд да му эжд да быдмөгъяс тшыкөдөмкөд абу йитчөм уджъяс кындзи;

10) мупытшса озырлун, сы лыдын трунда, корсьөм да перйөм;

11) заказниклысь мутас ёгөсьтөм да няйтчөдөм, а сідзжө производство да потребление шыбласъяс меститөм (видзөм да гуалөм), ортсө лэдзан ва нуөдөм;

12) геологическөй, ботаническөй, зоологическөй да мукөд коллекция чукөртөм, наука-туялан могъяс вылө найөс чукөртөм кындзи заказникөн веськөдлысь органкөд сөгласуйтөмөн;

13) му эжд да быдмөгъяс тшыкөдөм, вөчны позяна удж сикасъяс збыльмөдөм кындзи;

14) позъяс жугөдөм;

15) аншлагъяс, шлагбаумъяс, стендъяс, мудор петкөдлысь сюръяс, мукөд юөртан пас да индалысь, экологическөй ордымъясса да шойччан местаясса оборудование бырөдөм да торкөм, пуяс вылын гижалөм да пасъяс вөчөм.

6.2. Заказниклөн мутасын позьө:

1) нуөдны наука-туялан уджъяс заказникөн веськөдлысь органкөд сөгласуйтөмөн;

2) кыйсьыны любительскөя да спортивнөя оланпастэчасөн урчитөм пөрадокын;

3) котыртны да нуөдны вөр овмөс, нуөдны вөръясын пөжарысь да санитарнөй боксянь видзчысьөмсө могмөдан мероприятияяс вөр йитөдъяс ладмөдан юкөнын оланпастэчасөн урчитөм пөрадокын тайө Положениелөн 6.1 пунктса корөмъяс төд вылө босьтөмөн;

4) стрөитны, выльмөдны, уджөдны линейнөй объектъяс сэк, кор найөс меститны мөд позянлуныс абу, а сідзжө заказник уджөдөмсө могмөдөм могысь, заказникөн веськөдлан органкөд сөгласуйтөмөн;

5) капиталнӧя дзоньтавны линейнӧй объектъяс заказникӧн веськӧдлысь органкӧд сӧгласуйтӧмӧн;

6) нуӧдны овмӧс да мукӧд уджлысь мӧд сикасьяс, мыйясысь абу ӧлӧдӧма вӧр-ваӧн вӧдитчан да гӧгӧртас видзан юкӧнын оланпастэчасӧн да тайӧ Положениеӧн, оланпастэчасӧн урчитӧм пӧрадокын.

7. Бӧртас

7.1. Заказниксӧ, сы лыдын сылӧн мутасын меститчысь вӧр-ва комплексъяссӧ да налысь компонентъяссӧ, видзӧны вӧр-ваӧн вӧдитчан да гӧгӧртас видзан юкӧнын оланпастэчас серти.

7.2. Заказниклӧн вӧр-ва комплексъяслы да налӧн компонентъяслы лектор вӧчан грӧз артмӧм дырйи сылӧн мутасын вӧчны позяна удж сикасьяссӧ дзескӧдӧны, недыр кад кежлӧ дугӧдӧны либӧ дугӧдӧны оланпастэчасӧн урчитӧм пӧрадокын.

7.3. Заказниклысь мутассӧ места вылын индӧны ӧлӧдан да юӧртан пасьяс сувтӧдӧмӧн, а сӧдзжӧ торйӧдӧны тематическӧй картография материалъяс вылын.

7.4. Заказниклӧн вӧр-ва комплексъяслы либӧ налӧн компонентъяслы вӧчӧм лекторсӧ колӧ вештыны Россия Федерацияса оланпастэчас серти.

7.5. Йӧзӧс, кодъяс мыжаӧсь заказник торйӧн ӧна видзан урчитӧм режим торкӧмын, кыскӧны кывкутӧмӧ Россия Федерацияса оланпастэчас серти.

7.6. Заказник торйӧн ӧна видзан урчитӧм режимлӧн уджалӧм да сийӧс могмӧдӧм серти мероприятиеяс збыльмӧдсьӧны Коми Республикаса республиканскӧй сьӧмкуд сьӧм да оланпастэчасӧн абу ӧлӧдӧм мукӧд ӧшмӧс тшӧт весьтӧ.

Пасйӧд. Меститчанӧнсӧ да мудорьяссӧ опишитӧма Шойнатыса лесничестволысь 2013 вося вӧр овмӧс котыртан да нуӧдан материалъяс тӧд вылӧ босьтӧмӧн.